

清朝駢體正宗

上海文瑞樓印行

二

清朝駢體正宗評本卷四

南城曾 燠實谷原選

鎮海

姚 燮某伯評
張壽榮鞠齡參

。為尹太保賀伊里溫平表

袁 枚

起數語便欲
涵蓋一切是
大家手筆
論議堂閣

體大思精

臣聞王者大一統之義春秋復九世之仇古之聖人握金鏡秉神機固將平毒八荒盧牟六合也然神禹導河不過積石秦皇立界止于臨洮軒轅轡野之師高辛鯀山之務成湯三朧之伐周王鮪水之誓雖智竭囊底而功止震中未有我武惟揚窮天之界如今日者欽惟

皇帝陛下一人有慶五嶽無塵海水不波問摩訶無使者青雲千呂知中國有聖人固已絕地通天瞻雲奉律矣惟準噶爾夷部僻處西陲跳梁沙漠稽兩朝之文化燠

列聖之天心格矢來庭則許甘松之互市赤囊報警則鳴琅鐸以專征張弛異宜德刑兼用亦以事機有待夷性難馴故也今天誘其束神厭其德達爾札與達瓦齊等篡弒相仍風災迭起撐犁不識敢倚天驕朝定無人自然鳥鵲車楞吳巴什

奇情鬱起極
妙端排

等率眾投誠阿本爾撒約等領軍踵止或吹蠡享使或虜面請兵或失鉢請除一
官或燒當願當一隊國中牛馬盡向南眠天上施頭早看星落五單于爭立是如
奴降漢之年九節度出師正回絕尊唐之日我

據按有力

皇上擴覆載之仁不置遠方於度外運照臨之智早悉此虜于目中于是并璋先
頒金帛獨斷贊蔡州之伐惟裴度一人計烏桓之兵屈陳湯五指從龜上騷除瀚
海取灰盤指畫天山歸漢封君故關者即加顯擢袪衣作衛鳴鏑者俾作先驅西
北分兩道之兵聲勢動九天之上加太陽之沃霜雪所過皆消譬久旱之得雲霓
歸來恐後蛇矛未拔銀鵲先奔逐窮寇而狐兔頭底草降書而羊皮紙盡但整六
師而返不見一虜而還萬馬禁聲盡解鞍而蹴踞諸夷無事將買犢以耕新開墾
門招壤奠之臣取流沙為附庸之國惟聖人之德大斯不怒而威亦王者之功高
故有征無戰踐龍庭之草露偃春風出玉門之關花開內地伏念我

聖祖遠滅延陀河西遺種我

世宗窮搜靺鞨黑水留州凡

祖宗累年未竟之貽謀皆

雄神駿氣振
動亮端

大力包舉

餘音繞梁

簡賡

皇上一旦纂成之鴻業。金山擣車鼻。本皇文漏網之魚。渭水調單于。慰高祖平成之憾。被戎純繒。戴我金犀。飲朱提者三千人。而未乾。置驛遞者六百所。而更遠。從此受降城下。新來冠帶之民。都護府中。不用防秋之策。禽黎呼毒。望氣來庭。前輩黃牋。聞風請吏。拔銅柱以掃地。取金人而祭天。化此輩為孝子。順孫。何嫌荒服。吁中國為仙宸。帝所都。恨來遲。臣職任兩江神馳。

九陸想

北陸凱旋之日。正南風解愠之時。愧臧吳之才。通數三十六國。譯朱普之句。敢增千百萬言。一曲饒歌。聽策勳于太史。兩階千羽。願增喜於

龍顏

元虞鴻聲動諧上律

某伯

為莊撫軍賀平伊里表

袁枚

臣聞時不可失。而知幾惟聖人。功有非常而止戈。惟王者歸邪。星出國有降君。駒虞獸來。邊無烽警。是以漢臣中西域而立幕府。唐皇取松外而置縣官。猶欲刻玉燕然。鑄金青海。况單極以外。淳維之苗。率土來歸。無思不服。求之還古。實所希聞。

欽惟

皇帝陛下。八紘靜塵。十州澄鏡。久已填廬山于赤縣。擁狼望于黃圖。惟準噶爾部落。遠恃流沙。荒騎大漠。屢稽賢子。不供包茅。我

聖祖萬乘親征。掃蠟螭之絕塞。我

世宗五兵暫戢。貸鳥鼠之餘魂。如後漢之與南夷。七擒七縱。比延光之于西域。三絕三通。未嘗不以丹水之師。遠期伯禹崇墉之伐。深望姬昌也。今達爾札自噉焦梨。達瓦齊形同尸逐。牛羊不壯。知突厥之將亡。魚鼈無橋。識東明之不渡。坐金牀以望太歲星。拱中華祀。縣匏而問大神。巫誇漢盛。是以車楞烏巴什與阿睦爾撒納等。或舞天先至。或嗅地旋來。當是時也。五幅遺孽。只用篲筥。九塞旋風。但需鞭撻。倘杜崇拒。單于之上表。則安國必捲帳而自驚。班超還疏勒而先歸。則犁弇以遠漢而自到。懷皇仁者。雖歌槃木。議國事者。爭棄珠厓。

純以氣御群
易千人

語非泛設實
是當日情事

聖上以為非常之原。犁民所懼。先幾之務。推斷乃成。在貞觀之拒康居。雖云量力而建武之辭西域。終少雄圖。乃射苑竹以卜西羌。推棋枰而決大策。藉盾一戰。龍麗十重。網設周陸。軍歌鐵拔。以董項為前導。故知吐谷之風沙。假止韃為疑。兵遂

排泉翁張小
儒昨古

推波助瀾筆
舌俱妙

抵焉耆之巢穴。周道如砥。漢將皆飛反首。焚舍而奔者。膚行如風。繩行沙度。而來者。視道若咫尺。黑山四百三之部落。耀朔方十八萬之旌旗。雪嶺橫天。上下搜而全無虜迹。賢王伏地。左右視而都是陪臣。築三受降城。置五屬國。府使漢家。長無北念。知中國果有聖人。數武庫之兵。未遺一矢。計鬼方之克。何有三年。檄傳古莽。而猶驚碑借崑崙。而尚小凡魚支之鞞。婆駝之樂。鬪封三百。權扶兩頭。朱蒙為河伯。外孫老胡。號大荒樓。父靡不分。頒將士布列郊圻。圖王會于明堂。坐舌人于門外。陳牲告廟。慰

列祖在天之靈。晉冊承歡。加

聖母深宮之膳。捷書夜至。羣臣悟怯戰之非。

恩旨朝頒。天下以從軍為樂。臣伐吳定策。既有愧于張華。平蔡刊碑。又有慙于韓愈。願譯歸義之章。隄官隄構。更歌奉聖之樂。獨鶴琴。驃庶申雀躍之忱。聊補鐃歌之闕。

與前篇可謂一時尹邢真樂樂大才也。某伯

鶯脰湖莊詩集序

袁枚

微備衣服
寢貌微結
切備先結
見上林賦
見吳都賦
乙黃切
筆致落力
避屬冗
辭氣卓犖

詠麗

珠鳥有紋

夫金石之載不殊而諷詠之情匪一。故思綺者春榮。響哀者秋厲。音和者鳳鳴。絲寡者蘭悲。引氣不齊。意製相詭。各家之旨。斷可識矣。若夫雲游無質。五色兼麗。崑竹久淹。八風齊協。微循羣雅。喉衿六藝。搜仇索耦。能者誰歟。丙辰歲。天子張網。天以羅八紘。握金鏡而闢四門。予正原條履而來都下。遇王梅泚。讀其詩。個個然。費乎錦繡。影影然。履綦于櫟。檣研閱以窮照。含章而司契。楚豔漢侈。殆具體焉。爾乃解巾吳會。弭筆燕臺。仲宣履至。公卿為之擁篲。平子歌成。洛下于焉卷舌。且復負難次以西嬉。歌闌盡而晉適澄神。道岸回志。元祺生死多羊舌之仁。慷慨重侯。羸之義。其所述也如彼。其所蘊也若此。使之吟驚陪軒。鳴蟬映鬢。隨量曹入室。其應對待詔。張皇發揮。元元本本。胡寧恧焉。乃昔者同登明光之殿。對食大官之餐。蒙以弱冠之問。物色賈生。遂因連牆之謁。通好列子。亡何黍谷方吹。豐城氣掩。東陽未晞。北溟翼戢。臥龍具以忍寒。握蛇珠而匿耀。感奇律之不采。抱涕黃而莫卜。與鄧康辟者。比牒皆為宰相。同高允徵者。連名半屬公侯。其能無撫髀而歎。八駿咒柱而看。三匝乎。雖然。珠之藏也。不久不能躡重淵之深。劍之割也。易用不能致蛟龍之惜。故白露之思。兼葭之隱也。俎豆之馨。叢蘭之敗也。今梅泚內學七緯。外

餘味日新

清湛有骨

贈鍊

過八流其藏身也鮒入而鮒居其治行也春矩而夏矩入則流黃體素陳焉出則
煙皋雲隱覽焉宜其因情生文上符三百之旨緣隙奮筆流為千載之觀彼夫車
赫馬耀傳呼甚寵而寸枝不入鄧林尺渠不登山經者何哉豐書之遇殊而大小
之報異爾或者傷

國朝諸老燥忽代謝竹垞南淹阮亭北逝不知壁不並耀駿不雙馳根斷靈苑秀
擢江波所謂長麗去而宛虹來耀靈淪而望舒睇夫固有繼之者也而況夫大雅
之運豈偶然哉

沈謝酣劉作有芒米

某伯

萬柘坡樂于集序

袁枚

夫神之所至百骸聽焉志之所壹萬物避焉故魃俞審音不聞暴雷之駭獲人運
斷不見疾駒之馳士有握瑾瑜懷芬芳絕地理拔天庭抗才金碧之上弭節江湖
之下恢恢元音務諧雅奏之和落落凌颺詎假繁音之會則吾友萬柘坡其人也
生而醇粹第佗其冠長多咫聞涵苦予學參六家之要旨窮五際之絕業遊目竹
素彈心忽微故能含孕嚴徐凌鏢崔蔡懸黎不見池隍耀繼起之寶皇城歲掩夷

光矜代出之色惟古于茲重其然矣然而憶日月之燦忽追編紵之伊始時則迅
秋標爽嚴鼓應節石渠廣鴻生之召郡國有文學之徵僕與柘坡解巾之郡削牘
受辭魚集龍門摩游鱗而認隊馬來西極銜長鬣以得朋所為傾蓋于程生締蘭
于謝覽也已而扶搖同志修嗣互殊或震舉于嘉禾或翰飛于粵嶺赤堊未錮齊
踊躍于洪爐白鹿可尋仍渺迷于蕉葉東隅已失南金不雙宜乎鮑申跪石而吟
伍員兩社而足矣而柘坡方且得不挺心失不表色結情禹井延首舜梧考元唐
隆谷之瑰奇辨封鉅大填之原委忘陽數之標季扶元音于正宗空谷霜零蘭性
寧其隕貴崇邱風靜椒林于焉露芳抒懷而緝其音說學而振其采詩若干卷幾
幾乎革孫許之風變太元之氣焉且夫瓠梁託絃以流韻痛知音之難也師曠審
鍾為不調歎逃聲之易也柘坡鄙硯散之五降美棣通于八風既煉滓以澄音亦
鶴金而飾貌考之晁氏槩曰藥于震蒲罕之砵磻招銅山之遠聞他日麟鼓南郊
軒宮北敞發揮韶濩洪宣陰陽則夫聲震山川立逾九象者其在斯人歟其在斯
人歟

洗冶出金絕無黧色

某伯

既名

。答王厚齋書

袁枚

沈警類性

詞氣駿逸
機括迴響
逐也機音陳
樞音未詳

昔者由余入秦弭節西極樂毅遊燕稅車金臺之二子者豈忍棄其鄉哉誠狂于
名而憂夫世也別後猗膏棘軸衡流方羊耀靈促輪蟾目瞪轡馳原隰之繡錯睇
巒嶽之蘄絕凡海王所以尊地媼所以富玉節所以走晉金椎所以馳秦亦既觀
止低徊留之方知刑馬之郊有古皇之跡負秦之壤果隱士之居古人文藻必資
遊覽倘為鄙儒終慚都士僕學非賈誼乃蒙吳公之薦才劣孫宏竟對朝廷之策
猶不自諒以為庶幾排金門進紫閣彈危轍之八索調朱襄之五絃矣爾乃強臺
未上弱水遽沉知北有懷圖南無力側身徒赤壤局影朱門梧邱哭而仲尼之車
不停范蠡吠而文種之旌不至我獨何心能無慨然已而遇薦主金公之憂卷舌
望星若盧握手或奉壺冰或操量鼓待其事竟然後拂衣寧可使兩箭貫耳讓禮
震以前驅萬戟又胸救范升而早退哉僕聞亭厯委于炎夏歎冬華于嚴霜窮通
之靡定也呂尚使老者奮項橐使童兒矜遲速之無常也真冠之天難卜侯遁之
兆高壩之地終占射雉之功故匡衡對策不中經義益明蘇秦掉闔無功飛鉗始
學僕雖摧折亦無費焉拘悠自苦棟樑獨前模繡軋其身蘭沔謹其湛庶幾再奮

溟地重亨天網非觀書于太史亦聽役于司徒耳若夫辭君王而為鮑焦之遁衣
敝袴而為買臣之歸則擲楫無所題橋有志歸宋見斬用趙何益按殿下情實非
所願方今木葉助地天風隔霜候雁宵征秋河曉碧先生蒸馮珧之膏飫宵梁之
酒折招搖之桂召狂屈之徒唱古寡應呼今誰聽坐無車公知必不為樂也嗟乎
朱絲未染猶隕陽朱之涕白髮嚙指時動曾參之懷况復心旌風搖芳訊雨絕閨
巾褐于旅巷生緇謳于斥告涸魚噓沫而後知同池之懽越禽孤棲而後知離羣
之哀風欽德音辱贈敢答削札扁函恨然何已

辭婉而意轉

某伯

。與蔣荅生書

袁枚

昔柯亭之竹非呈響于蔡邕鹿盧之劍豈矜奇于秦女乃過之者駐轡佩之者超
屏何哉美見者情生氣求者聲應人非矜賤覩夷光而運踵地非壘俗奏咸韶而
傾耳止鄭風所以歌緇衣周易所以稱蘭臭也若乃惠苑測交而無從屈平獨立
而增歎游魚欲出而瑟希雍門思悲而琴寡無所感之誰為應之客歲稅駕廣陵
見足下壁上詩烟墨猶濕素塵將掩僕手拂口吟色然心駭絃歌應節流水可以

情文並美

推崇語仍不失自己身分
大家手筆

移情同堂異鄉。停雲因而增慨。字尾書茗生二字。噓江上丈人。澤邊漁父。伊可懷也。彼何人哉。僕雖識高敏。夢中之路難。抱張翥鑒空之想。縱有宜生切肺之義。更深孺悲無介之虞。于是彈深心于搜牢。極冲襟于遐訪。西朝執訊。虛位以待。李巡東海得書。楊道而求。孫惠愛而不見于今三年。幸安亭公子紆轡白下。道足下居洪都之地。為舍人之官。其才藻耀其人。玉立然後知足下國之良也。民之秀也。欽遲者方望若歲。而馳譽者久。癩若雷。雖然九州大矣。人才眾矣。僕蠅伏江表。足下鳳鳴神都。僕知君君寧知僕哉。豈意銅山之鍾地隔而霜。應晨風之鳥樹遠而聲交。邨原渡海。方覓孫嵒。北海有心。早知劉備。于是遠蒙於寵重。寄篇什。開函香生。凌紙怪發。驪龍未遇。先投六寸之明珠。師曠方驚。更轉九天之清角。識麟一趾。眸子自矜。藏鳳半毛。門庭可賀。所冀足下北行之日。鳴騶臨泥。僕冀除敝廬。請吾子之須臾焉。昔者稽康命駕千里。相思元度。出都一日。九詣心期。既重握手。自殷緬彼賢流。亶其然矣。足下與余。豈在古人之後乎。

渾脫瀏灑足擅勝場 某伯

。與延綏將軍書

袁枚

勢如奔馬
情動空行
神如空行
氣如虹排
界中仍與
膽風華此
才宜是
易到

枚聞遭逢者運也。經略者才也。蛟龍乘三春而起，蟄虎豹臨九闕而威生。齊有黔夫，燕人祭北門之鬼。趙有李牧，秦王罷東并之勢。林父獲鄴，舒于北狄。萊子朝晏，弱于東陽。莫不乘風雲，耀金石，隱敵國于壺外，革金湯兮千里。若夫攬九邊之控制，論八旗之規模，防秋以全陝為尊，入關以延綏為要。產非西極，不號龍駒。人過陰山，都名壯士。角聲宵奏，延陀之妖雪驚飛。檄草軒成，西毒之黃龍氣盡。此則河湟惟唐，休璟能知而安。西非郭代公不可者矣。卓園將軍浙西八俊，河鼓一星，戴豹皮之冠，纏虎尾於臂。堯廟躍壁橫行，十尋齊市長繩曳馳。三丈天生，躍莽苦竹刺而如飛。黃回運乃激水灑而不入，為賊習膽騎牛讀書，故能拔身銀槍起家。金穴蛇矛丈八擒青犢，以立功浴鐵三千鎮白門。而擁節子陵臺畔，來倭霸之車聲。杜甫柴門寬嚴公之禮，數客長孺為揖客。喜章叙是同鄉甲戌春二月朝天子於京師，日乍捧而雲開，壺未投而天笑。舞羊侃之樂樹，拆苑中擊周寶之毬。勇聞殿上遂製梁公之金字，賜萬微以膜皮一障。乘邊獲旌出塞，倥侗人武試亞夫之治兵。青海天驕服高皇之善將，此行也。東門介士南國儒冠，老者頰鳴少者齒擊。莫不指陣圖而思丞相，攀大樹以望將軍。僕獨不然，蓋有說矣。夫虎飛食肉。

凌厲其氣

雄勁

故筆為之隨
東隨頓尤妙
在鎮得住

之奇約死留皮之語尚屬武夫之佼佼難語大雅之惜惜惟念我

國家休養百年欽明四代南至于濮鉛北至于祝栗西至于壽靡北至于開梧莫不候月歸琛占風納贖惟西戎一旅屢折篋箬小醜尚存英雄為之氣湧匈奴未滅男兒何以家為公之聞鍾壯心投袂欲起也今矣今者莠頭夜落神雀朝飛單于生內亂之憂可汗有尊天之請旗書歸順鳥願投明貢牛羊稱唐帝之畜生獻燕支作漢宮之顏色而且雕庫來告國難康居願作先驅

天子哀彼羶裘受其桎梏恢張黃籍編隸烏丸受虞詡之議涼州常通右臂薄僧孺之拒悉怛坐失生羌將撤戎己之邊防增庚戌之士斷置燭龍之州邑懷關耳之人民蓋渭橋謁而麟閣畫十一將高昌滅而北方靖三十年誠綏邊之盛事柔遠之鴻業也所慮者其來荒忽非八柄所可維要其義羈縻非九州所能震懾是以不樂水土則胡和思歸略失機宜則梁安中變贊普獻塞終持銀鵲而奔梨樹請盟竟鑄金枷以待羈留質子彼何愛于匹夫安設屯田或且鞠為奠草雖依漢與休天等而受降如受敵然矧孟珙之室萬間班超之國五十豈無能稱操刺賢號屠耆者勢必滿月生心推寅起事等夜龍之射闕學長叔之違天我已垂囊彼

偉識獨持卓
然名貴

以恩威懾之

作兩層寫來
筆力英雋

聲宏揚庭又
是一法

精警

絕妙收場

左鳴鑼階將舞羽彼且張弧夫西域何足蔽漢而平準卒以成書南蠻未必困唐而徐州因之盜甲然則魏徵憂國之謀江統從戎之論誰關鐵牡永靖銅駝非所能知也不敢不告也延綏北可控五戎南可衛三輔有蘆門塞若之險有清邊三族之戍願公消禍于未形練兵于不戰先知為哲見小曰明郅詡取燒當恩如父子高車畏陸侯嚴若風霜庶幾廷光拜城上而肅然梅錄識豐州而不動此策之上者也不然則六耦開弓三蟄起戒嫖姚之兵五道孫武之智九天楚老上之龍庭掃淳維之甌脫必使頭飛六角面縛三門服匿空廬珍珠帳捲然後鑄碑葱嶺挂弓扶桑乃為大丈夫之志業耳昔者刑塘之地動文命之威桐鼓之歌殺空桑而作將軍其有意乎然而教民七年先甲三日避險尚遠趨時遺近銅柱蒿牆都煩算畫琵琶蹴鞠是盡兵機或未至金城先圖方略或經營玉壘不設壅門緩帶之時畫虎尾春冰之館援枹之際有銀衡鐵室之防此又豪傑之著龜忠臣之葆就蓋謀高然後陣定主信然後權專功雖成于臨時道當裕于平日也僕身別熊羆心依鹿豕蒼鷹當秋而先倦老馬聞戰而不喘至于繹歸義之三章唱婆駝之數疊鏡歌頌漢江漢美周則力有餘妍心無他讓早染毫素以待燕然之銘若作

馬曹請設舊交之位

指揮深幄如王景略捫蝨而談讀之亦使人氣壯

某伯

。為黃太保賀經畧傅公平大金川啟

袁枚

蓋聞射雕無力。難彎青海之弓。洗甲有心。誰挽銀河之手。福不宏者。不足以成大。事量不遠者。不可以語武功。故韋臯度鐵嶺而南番降。馬隆到涼州而樹機破。叔教甘寢。東羽而郅人息。兵唐叔博兇徒林而太甲靖亂。太抵功。因將立臣為主。生飛龍服。包于黃靈。赤文候日于堯屋。恭維經畧忠勇公閣下。識窮兩戒。學道四夷。蕭何昂宿之精。傳說中閣之祠。

皇上以金川不順。前帥無功。命亞夫代。灞上之軍。假王導以安東之節。當是時。

天子有憂邊之色。三軍無報捷之書。公以鄧禹之英年。抱終軍之逸氣。如柱天都。部領百保鮮卑。屢及室皇。謂誓師之始。鳥鳴牙上。卜取賊之功。爾乃躡烏角渡青。岡過桃關。走天射馬。難容足。車不雙行。殷武伐荆蠻。誰能深入。岳侯討楊太陰。是飛來公造張網之衝。車破公孫之鑑。檻製宣王之軟屐。曳朱泚之雲橋。誘彼馬人。搜其龍戶。一鼓作氣。三刻踰溝。其摧堅也如簪。記畫塗其奪寨也如決流。抑隊我。

雄深雅健氣
能載辭

曲折寫來姿
采與茂有力
盤旋有此真
實本領乃能
駕馭一切

興高采烈筆
意動宕

志和音雅
世鴻文

卷四

御朱為擒鵲彼軍將化蟲沙人方疑荻蕩之取偪陽何其難而魏舒之降鼓子何
其易也不知黑龍噬臍代公之草檄方成飛鳶墮溪伏波之毒淫難受飲摩訶之
地汁拜井無靈啖臚上之弓絃量沙自壯而且九折叱王尊之馭三更裏鄧艾之
繇奉走卒以為師謙能下士射酒樽而不動忠可忘身肉非黃羊不畏汝刺金雖
如粟豈入我懷非有動心忍性之功其能有熙天耀日之列乎正月初六日金川
首詣大軍乞降公稱

詔書許其不死于是雪霽降旗之上花迎銜壁之人葉鑄多羅手牽玉象捧盤上
表織錦陳詩公即洞開重門雍容免胄釋蔡州之牙卒用孟獲之軍人項田不租
十妻不算此秦王之誓言也我無爾詐爾無我虞此宋公之盟約也界銅柱以千
年定天山于三箭元旗返旆白馬還朝荀美二十之年威儀可想蔡茂三公之服
士女爭看解去兜鍪重含雞舌八戰八克為隴右所希聞七擒七縱寶南夷所心
服昔劉方之征林邑殺象享軍萬歲之渡蜻蛉仆碑應識以彼奇功方斯茂矣
天子禮頒異數恩錫非常覆韋綬以蜀纈之袍賜房喬以黃銀之帶金釵阿杜詔
餉盤龍寶劔椎成署頒陳龍水晶鹽好分崔浩以同甘鐘鼓聲希採李晟之安否